

Dalalæðan

1. tbl. 16. árg., 31. janúar 2003.



Ljósm. K. Tomm.

Mosfellsdalur

Dýrðlegt er í Dalnum
umvöfnum fjallasalnum
þar eru:

Rósabændur og söngfuglar,
grautvíxlaðir graðfolar,
yxna kýr og ofvitar,
Nóbelskáld og gullmolar,
frekjusvín og drykkusvolar,
ljóðskáld og þurfalingar,
hestamenn og monthanar,
þingmenn og snillingar,
listamenn og letingjar,
klerkur, kirkja
ég er hættur að yrkja.

Ó.P.G.

Dalbúar fyrr og nú!

Fjölmennum
á þorrablótið
í Hlégarði
laugardaginn
1. febrúar.

Húsið opnar kl. 19.

Leiðari

Saga til næsta bæjar

Um þessar mundir stendur yfir ritun á sögu Mosfellssveitar og er verkið unnið á vegum bæjarfélagsins. Bjarki Bjarnason og Magnús Guðmundsson rita söguna sem nær allt frá landnámstíð til okkar daga.

Saga Mosfellssveitar er áhugaverð viðfangsefni þar sem sjá má örlog íslensku þjóðarinnar í hnotskurn. Hér í sveit ríkti löngum kyrrstætt bændasamfélag, líkt og í öðrum byggðum landsins, en á 20. öld urðu geysimiklar samfélagsbreytingar sem lesendur hafa margir tekið þátt í með einhverjum hætti.

Ýmsir þættir í sögu sveitarinnar hafa mikið sögulegt gildi á landsvísu, má þar nefna iðnrekstur að

Álafossi, ylrækt, ævintýrið um Reykjalund að ógleymdum Dalbúanum Halldóri Laxness.

Samfara sögurituninni fer fram söfnun á alls kyns skjölum og ljósmyndum sem tengjast Mosfellssveit og eru þau gögn geymd í Héraðsskjolasafni Mosfellsbæjar sem tók til starfa árið 2001. Þar eru til dæmis varðveisitt skjalasöfn Guðmundar Þorlákssonar frá Seljabrekku og séra Magnúsar Þorsteinssonar sem var prestur á Mosfelli á öndverðri 20. öld.

Það er full astæða til að hvetja alla Mosfellinga, fyrr og nú, að taka höndum saman við að byggja upp öflugt skjalasafn í Mosfellsbæ sem mun nýlast fólk í bráð og lengd.

Sagan okkar er gull í lófa framtíðar.

Bjarki Bjarnason.

Tannlæknastofa
Guðjóns S. Valgeirssonar
Urðarholti 4
Sími 566-6992

Hestaleigan
Laxnesi

Dalalæðan

1. tbl. 16. árg., 31. janúar 2003.

Útgefandi: Íbúasamtök Víghóll í Mosfellsdal.

Ritstjóri og ábyrgðarmaður: Bjarki Bjarnason.

Auglýsingar: Guðrún Karlsdóttir, Gísli Snorrason og Nína Baastad.

Umbrot: Karl Tómasson.

Prentun: Ljósrit og prent.

Dalalæðan er prentuð í 250 eintökum. Blaðið er borið út á hvert heimili í Mosfellsdal og einnig sent til brottfluttra Dalbúa.

Merkisafmæli á árinu 2003

85 ára

Auður Laxness frá Gljúfrasteini, 30. júlí.

80 ára

Guðbjörg Sigurjónsdóttir í Reykjadal, 8. júní.

70 ára

Jón Helgi Hálfdanarson frá Mosfelli, 21. desember.

Ólafur Ingimundarson á Hrísbrú, 22. nóvember.

60 ára

Helga Kristjánsdóttir í Reykjadal, 27. janúar.

50 ára

Björn Heimir Sigurbjörnsson frá Reykjavíð, 24. ágúst.

Eggert Einarsson frá Skuld, 11. júlí.

Guðmundur Björn Thoroddsen á Laugabóli, 2. júní.

Hlynur Möller í Selholti, 23. febrúar.

Kristinn Már Hafsteinsson í Tjaldanesi, 20. desember.

Sigríður Jóhannsdóttir frá Dalsgarði, 19. maí.

Sigríður Rafnsdóttir Hraðastöðum 4, 15. mars.

Úrsúla Margrét Kristjánsdóttir frá Lundi, 29. júlí.

Dalalæðan óskar þessu ágæta fólkni til hamingju.

Ferðapjónustan
FRÁ HVRFLI TIL ILJA
Sími: 566-7098, 899-5198
Netfang: bjabja@ismennt.is
Bjarki Bjarnason



Jón Kristján Kjartansson

f. 23. mars 1953,
d. 10. nóvember 2002.



Kveðja frá Tjaldanesi

Góður vinur okkar er láttinn, vinur sem var okkur kær og okkur er ljúft að minnast. Í daglegu tali var hann kallaður Kristján eða Stjáni en sjálfur vildi hann nota Jónsnafnið þegar hann kynnti sig.

Það er lán í lífinu að fá að kynna st manni eins og Kristjáni, einlægni hans og hjartahlýja var einstök. Kristján var félagslyndur og skapgóður, glettinn og skemmtilegur. Hann var sjálfstæður og vildi oft fara eigin leiðir og létt okkur vita ef honum fannst sér misboðið.

Kristján bjó á Tjaldanesi um 30 ára skeið. Hann hugsaði mikið um heilsuna og gerði leikfimisæfingar á morgnana, einnig fór hann oft út og skokkaði hér í nágrenninu. Kristján hafði gaman af ferðalögum og sérstaklega ef ferðast var í flugvél. Þeir staðir sem hann fór oft til voru Hrísey og Kanaríeyjar. Hann var duglegur og röskur til allra verka, bæði heima og að heiman. Hann þurfti að hafa eitthvað fyrir stafni og var oft ýmislegt að bardúsa. Undanfarin þrjú ár vann hann á vinnustofu heimilisins þar sem hann vann við þökkun fyrir ýmis fyrirtæki.

Vinir hans á Tjaldanesi kveðja hann með söknuði og þakklæti fyrir öll árin og samverustundirnar. Far þú í friði.

*Friður Guðs þig blessi,
hafðu þökk fyrir allt og allt.
Guð þér nú fylgi,
hans dýrðarhnoss þú hljóta skalt.*
(Valdimar Briem.)



Dalsgarður

- við gerum rósir

Blómasala alla daga kl. 9.00-13.00
Dalsgarði Mosfellsdal

Gisli Jóhannesson rósabóndi/rósetfarmarmer
Dalsgarður 270 Mosfellsbæ Ísland
Sími/tel.: 354 366 7490
Fax: 354 366 7610
Netlang/e-mail: dalsgardur@is.net



MF ÞJÓNUSTAN ehf.
Grannumyri 5b, 270 Mosfellsbæ
S: 566-7217, 854-0617. Fax: 566-8317




Vinnustofa Þóru á Hvírfli er opin
eftir samkomulagi, s. 566-7098.

Verksmiðju- rekstur í Mosfellsdal

Ekki fara miklar sögur af verksmiðjurekstri í Mosfellsdal, hvorki fyrr né síðar, en þó komst hann í fjöldi árið 1995 þegar landabruggerverksmiðja var gerð upptæk á ónefndum stað í dalnum. Bæjarblaðið *Sveitungi* greindi þannig frá þessum iðnrekstri:

Dalbúar eru slegnir yfir að hafa misst einu verksmiðju sína. Um var að ræða lifræna framleiðslu og mjög vistvænan iðnað. Þessi fullvinnsla á landbúnaðarafurðum sem þarna fór fram var dæmi um nýsköpun. En þegar einhver loks reynir að útvega unglungunum ódyrt áfengi er löggunni strax sigað á hann. Mistökin sem þessir athafnamenn gerðu var að sækja ekki um lögbýlisrétt.




Birta

Úra- og skartgripaverslun
Kjarnanum Mosfellsbæ

Heimapjálfun
Monique
s. 899-8456

Reykjabúið

Reykjum • 270 Mosfellsbæ • Sími 566 6800



Magni *Lönn.*
GALLERÍ

Álafossvegi 18, sími. 566-8081.


Absalon hársnyrtistofa Urðarholti 4.
Sími. 566-8500

SS Gíslason Viðgerðir h.f.
Smiðshöfði 11 Sími 587-2060



Búnaðarbankinn

Jóhann beri



Teikning af Jóhanni bera sem birtist í bókinni *Prettán rifur ofan í hvatt* eftir Jón Helgason.

Í skáldsögunni *Heimsljósi* eftir Halldór Laxness er sagt frá fræðagruski Ólafs Kárasonar Ljósvíkings sem ritaði meðal annars sagnapættina *Einkennilega Menn*. Þar greinir Ólafur frá Jóhanni bera sem ferðaðist fáklæddur um landið í álögum. Hann fór „flóttamaður milli landsfjórðúnga ásóttur af myrkraverum; skyldu þær rífa af honum hverja spjör svo ekki biði á honum ríðanda ræxn,“ segir í sögunni.

En hver var Jóhann beri, hugarsmíð Ólafs Kárasonar eða Halldórs Laxness? Ekki er því svo farið, hann hétt fullu nafni Jóhann Bjarnason, fæddist árið 1829 og var landsþekktur umrenningur á ofan-

verðri 19. öld. Jóhann var Húnvetningur að uppruna og átti snemma við andlega vanheilsu að stríða sem að einhverju leyti mátti rekja til ástamála hans. Hann var bóni um hríð en flosnaði upp, lagðist í flakk og egraði um byggðir landsins um 40 ára skeið, m.a. mikið um Kjósarsýslu. Víðast mætti þessi auðnuleysingi skilningsleysi samferðafólks sem reyndi að losna við hann sem fyrt ef hann kom á bæi. Jóhann beri kom alloft að Laxnesi og Halldór Laxness þekkti vel til sögu hans þótt fundum þeirra hafi ekki boríð saman en Jóhann lést norður í Svarfaðardal árið 1907. Halldór færði þennan umrenning hins vegar til í tíma og aðlagði persónuna skáldsögu sinni Heimsljósi.

Eyjólfur Guðmundsson, sem kenndur var við Hvol í Mýrdal, ólst upp í Laxnesi að hluta og ritaði margar skemmtilegar frásagnir sem tengjast Mosfellsdal, einkum í bókinni *Lengi man til lítilla stunda* (útg. 1948). Hann segir þannig frá Jóhanni bera (bls. 168-169):

Það heyrðist sagt, að óhugnanlegur umrenningur væri á rölti í nágrenninu. Nefndur var hann „Beri maðurinn“. Hann gekk allsber og valdi sér sjálfur rúm, þar sem hann gist. Hann var vita-meinlaus, en allir héldu, að hann væri eltur af draugum, sem tættu af honum fötin. Ýmsir færðu hann í fót, en strax höfðu þau verið tætt af honum. Það var víða, að kvenfólkí stóð geigur af honum, er hann

ranglaði heim á bæi, þar sem karlmenn voru allir að heiman.

Góðan veðurdag um sláttinn, þegar fólkið í Laxnesi sat að miðagsverði og vel lá í öllum, var baðstofuhurðinni þokað upp, svona hægt og hægt. Þar var Jóhann beri kominn. Hann beygði sig inn í dyrnar og færðist loks allur inn í baðstofuna, en fólkið glápti undrandi á hann og missti matarlystina.

Hann var þreklega vaxinn, herðamikill, fótstór og vöðvaslappur, með hæstu karlmönnum og höfuðlangur, berhöfðaður með úfið hár, berfættur og héngu buxnaslitur niður um lendar og lærin, en allsber um brjóst og bak. Hann kastaði ekki kveðju á neinn, en skyggndist eftir rúmi, sem hann gæti tyllt sér á. Einhver stóð upp frá honum, og lagði hann sig endilangan í það rúm, en vinnukonan átti það.

Þó við áttuðum okkur óðara á, hver maðurinn var, brá okkur samt nokkuð við. Þetta var svo óvenjulegt að sjá. Tíndust flestir brátt út og til vinnunnar, en ég virti bera manni fyrir mér og reyndi að fá hann til að tala. Hann bað þá um að borða, en benti oftast til svars því, er um var spurt. Hann var heldur orðinn holdgrannur og liðamótamikill, hár og skegg vaxið eins og óræktað fax og loðnar skellur viða

um kroppinn, svo hann leit út líkt og flekkóttur sauður. Hann þáði ekki hníf til að borða með og ekki spón, fór þó ekki neitt hámslega að matnum, en skoðaði hvern bita vel, og viðbitið geymdi hann þangað til síðast.

Einhvern veginn kom faðir minn honum í rúm fyrir utan baðstofustafninn í norðurbaðstofunni, og þar hélt hann til tvær nætur. Út fór hann um miðnætti og var lengi úti. Ég fékk að færa hann í nýja skyrtu og utanyfirbuxur. En eftir síðari nöttina var sá fatnaður kominn í hengil. Fór hann þá og þýddist enga aðstoð. „Það þýðir ekki,“ sagði hann, þegar ég klæddi hann í föt, og það sáum við, að var líka orð að sönnu.

Nokkru síðar kom hann aftur, og héngu þá á honum flíkur nokkuð heillegar, þó víða rifnar. Hann talaði þá fleira og sagðist vera í álögum. Og það heyrðist sagt, að vegna misferla í ástamálum kæmi þessi skelfing yfir hann, og mátti segja, að þessi sterki maður hafi orðið að sæta „alvarlegum átkum“.

Þetta var frásögn Eyjólfs á Hvöli um heimsókn Jóhanns bera að Laxnesi seint á 19. öld. Þess skal að lokum getið að Jón Helgason ritaði á sínum tíma bók um ævi og örlog Jóhanns sem heitir *þrettán rifur ofan í hvatt*, útg. 1972.

Dalalæðan

Stjórn Víghóls hefur ákvæðið að fjölfalda gamla árganga af Dalalæðunni og bjóða til kaups.

Hægt verður að fá einstök tölublöð eða alla árganga blaðsins.
Hafið samband við Gógó í Sigtúni í s. 566 6322.

Gamlar ljósmyndir

Seint verður ofmetinn sá fjársjóður sem fólginn er í gömlum ljósmyndum, þær hafa geysimikið heimildagildi og segja oft lengri sögu en mörg orð.

Héraðsskjalasafn Mosfellsbæjar var opnað í Kjarna árið 2001 en eitt verkefna þess er að veita viðtökum ljósmyndum sem tengjast sögu sveitarinnar. Allmargir hafa brugðist vel við og komið færandi hendi með myndir í safnið og nútímatækni gerir það að verkum

að hægt er að skanna þær inn og varðveita í tölvutæku formi þannig að folk þarf ekki að láta frumeintök myndanna af hendi.


Herdís og Hreinn í Helgadal eru meðal þeirra sem afhent hafa ljósmyndir í héraðsskjalasafnið og eru myndirnar hér á opnumni komnar úr þeirra fórum. Fólk er hvatt til að fara að dæmi þeirra, hægt er að hafa samband við Sólveigu Magnúsdóttur héraðsskjalavörð eða Bjarka Bjarnason á Hvírfli.



Saumaklúbbur kvenna í Mosfellsdal á hestbaki, talið frá vinstri: Birta Fróðadóttir í Dalsgarði, Guðbjörg Sigurjónsdóttir í Reykjadal, Hlíf Gunnlaugsdóttir á Æsustöðum, Svava Elíasdóttir í Viðigerði, Hólmfríður Guðvarðardóttir á Grund, Guðjóna Benediktsdóttir á Norður-Reykjum, Salome Þorkelsdóttir í Reykjavík, Ólafía Andréasdóttir á Laugabóli, Kristín Árnadóttir á Varmalandi, Jensína Magnússon í Árvangi og Guðbjörg Kristjónsdóttir í Reykjadal. Myndin er líklega tekin 1967 eða 1968, Norður-Reykir í baksýn.




**Ungir Dalbúar
staddir á Æsu-
stöðum um 1948,
talið frá vinstri:
Andrés Ólafsson
Laugabóli, Erlingur
Ólafsson Laugabóli,
Þórir Ólafsson
Varmalandi og
Þuríður Hjaltadóttir
Æsustöðum.
Krakkarnir voru á
leið í berjamó með
fötur og heima-
smiðaðar berjatínur.**



**Bærinn í Bringum en þar
var búið fram á 7. áratug
síðustu aldar. Myndina
tók Herdís Gunnlaugs-
dóttir skömmu áður en
bærinn var jafnaður við
jörðu árið 1971.**

**Heimasmíð-
aður hestvagn,
Grímannsfell
og Æsustaða-
fjall í baksýn.
Fullorðni
maðurinn á
myndinni er
Indriði
Gunnlaugsson
sem lengst af
bjó í Víðigerði.**



Daladul

Dularfulla kattarhvarfið


Í Dalalæðunni hefur í nokkur skipti verið sagt frá dulrænum fyrirbrigðum sem tengjast Mosfellsdal og hafa þættirnir gengið undir nafninu *Daladul*. Að þessu sinni verður sagt frá kettinum Dísu sem hvarf frá Bringum árið 1932 en gerði óvænt vart við sig hjá miðli. Frásögnin er höfð eftir Sigríði Steffensen og birtist í bók Elínborgar Lárusdóttur *Forspár og fyrirbæri* sem kom út árið 1957, (sjá bls. 83-86):

Í júlímaunuði 1932 fór ég að Bringum í Mosfellssveit og var ætlun mín að hafa þar sumardvöl. Ég svaf í tjaldi skammt frá bænum og hafði two ketti, sem ég átti, hjá mér. Eldri kötturinn undi sér sjáanlega illa. Fór svo að lokum að hann hvarf 26. júlí. Ég leitaði hans nær og fjær um langan tíma. Sú leit bar engan árangur, og flutti ég því í bæinn, fyrr en ég ætlaði mér í fyrstu, þreytt og sárleið yfir hvarfi kattarins. Ég létt auglysingu í blöðin og hét þeim verðlaunum, sem fynndu köttinn og skiluðu honum til míni.

Mér hafði áður gefist vel að leita til miðla undir slíkum kringumstæðum. Ákvað ég að reyna þetta einnig nú. Þá var það kona hér í bæ, sem gaf mér nafn og heimilisfang Kristínar Kristjánsson. Ég hafði þá aldrei séð hana og ekki vissi ég heldur um dulhæfileika hennar. Frá

þessari konu fór ég beina leið til Kristínar og bað hana að grennslast eftir því, hvar kisa míni mundi vera niðurkomin.

Kristín tók mér vel og virtist ekkert furða sig á þessari beiðni. Hún sat þegjandi góða stund og horfði í gaupnir sér og sagði svo: „Þú skalt ekkert vera hrædd um köttinn. Hann er lifandi og situr nú



Kort af ofanverðum Mosfellsdal. Leið kattarins Dísu er merkt með svartri línu.

utanvert í einu holtsbarði. Það rennur smá á eða lækur þarna nálægt.“ Fleira sagði hún mér ekki að þessu sinni.


Nokkrum dögum síðar heimsótti ég Kristínu aftur. Hún sagði mér þá, að hún hefði séð kisu mína kvöldið áður.

„Hún er búin að eignast þrijá kettlinga. Tveir eru ólíkir á lit en einn er hvítur á trýninu. Það er nokkuð hrjóstugt kringum holuna, sem hún kúrir sig í. Stór steinhella rís þar upp á rönd, einnig sé ég þarna lágan kofa með torfþaki skammt frá.“

Mikið óskaði ég þess, að Dísa mín væri komin heim með litlu kettlingana sína, en það nafn gaf ég kisu minni og gegndi hún því, er ég kallaði á hana. Mig furðaði ekkert, þótt einn kettlingurinn hefði hvítan blett á trýninu. Það hafði móðirin líka. Um það vissi Kristín ekki. Hún hafði aldrei séð köttinn, nema gegnum sýn andans. Ég gat ekki rengt hana. Bæði lýsti hún kettinum, svo að ekki varð um villzt, og svo vissi ég að Dísa var með kettlinga. ...

Leið svo tíminn að ekki frétti ég neitt af Dísu minni fyrr en liðið var á haustið. Þá frétti ég um óskila kött, sem væri á Skeggjastöðum í Mosfellssveit. Þarna kom Dísa lokt í leitirnar. Bóndinn á Skeggjastöðum hafði séð hana úti við. Var henni gefið og hændist hún þarna að. Ég fór upp eftir að sækja hana og greiða fundarlaun, sem voru lambsverð. Ekki voru neinir kettlingar með henni. Varð enginn var við þá, en ég sá strax, að hún hafði gotið, enda var hún mögur og illa útlitandi. Varð ég alls hugar glöð og fór með hana heim til mína. Áreiðanlega pekkti hún mig og varð fegin að vera komin í sitt gamla umhverfi.

Pannig rættist það, sem Kristín sagði, að Dísa væri lifandi. Kettlingarnir fundust aldrei, svo að ekki verður vitað, hvort Kristín lýsti þeim rétt. Enginn er heldur til frásagnar um það, hvort kisa sat utanvert í melbarði eins og Kristín sagði, en ekki er það ótrúlegt.



ÍSFUGL

**ÞAÐ SEM
TIL PARF**

Guðjón Haraldsson
Munkinot 14
270 Mosfellsbær
Sími: 588 6229
Kt: 290324-5140



VÉLALEIGA
*(Guðjóns
Haraldssonar)*

FLUGLIMYRI 10
270 MOSFELLSBÆR
Sími 588 7179
GSM 898 6279
& 898 9443



**ÁLAFOSS
VERKSMIÐJUSALA**

Opið virka daga kl. 10-18
laugardaga kl. 10-14
Sími: 566-6303 Fax: 566-8330
Verið velkomin

Eftirtaldir aðilar styrktu útgáfu Dalalæðunnar:

Gróðrarstöðin Laugaból.
Auður og Ómar Laugabóli II.
Snyrtistofa Guðlaugar, s. 695 4654.
Hildur og Örn á Laugabakka.
Reykjahlíðardrottningin, Gallerí Voff.
Salome og Jóel í Reykjhálið.
Signý og Jón á Furvöllum.
Jóhanna á Dalsá.
Kolbrún og Pétur á Brávöllum.
Elín og Ingimundur á Breiðufit.
Anna og Gísli í Brekkukoti.
Þóra og Bjarki á Hviflri.
Bára og Páll Hraðastöðum 5.
Jenný og Guðni í Fagrahvammi.
Guðrún í Brennholti.
Sigga og Rabbi Hraðastöðum 4.
Seljabrekka.
Rafn Harðarson á Skeggjastöðum.
Bonni á Skeggjastöðum.
Helga og Logi í Selvangi.
Eygerður og Jóhannes Hraðastöðum 1.
Nína og Bjarni Hraðastöðum 6.
Sylvía Rut á Vindhóli.
Duna og Dóri í Melkoti.
Auður frá Gljúfrasteini.
Fjölskyldan í Túnfæti.
Klara og Bjarni Hraðastöðum 3.
Þórhildur og Sigurður í Hátúni.

Berglind og Fannar á Hrútafell.
Herdís og Hreinn í Helgadal.
Lovísa og Magnús á Hraðastöðum.
Herdís og Björn í Brautarholti.
Íris og Haukur á Skeggjastöðum.
Sigríður frá Jónstófti.
Guðrún og Björn í Grásteinum.
Sigríður og Jón á Mosfelli.
Ólöf og Helgi í Hlöðunni.
Guðlaug Sigurðardóttir frá Reykjadal.
Guðbjörg og Sigurður í Reykjadal.
Svava og Sigtøggur í Viðigerði.
Þuríður og Skúli á Röðli.
Unnar og Jón á Æsustöðum.
Júliana og Gísli Dalsgarði 2.
Helga og Rúnar á Norður-Reykjum.
Magnús Ólafsson á Viðihóli.
Guðrún Jóhannsdóttir í Skuld.
Erna og Stefán í Árvangi.
Bryndís og Reynir á Viði.
Hólmfriður og Andrés á Hrísbú.
Úrsula og Þóður frá Lundi.
Ásgerður og Ólafur á Hrísbú.
Helga og Erlingur í Reykjadal.
Halla og Hákon í Dalsgarði.
Guðrún og Sigurður í Sigtúni.
Guðrún og Valur á Minna-Mosfelli.

Bestu þakkir fyrir stuðninginn!

**Ef brottfluttir Dalbúar hafa hug
á að styrkja útgáfu blaðsins geta
þeir lagt framlag sitt inn á
bankareikning Víghóls
nr. 0315-13-841502.**

Minjar í Mosfellsdal

Myndbandið *Minjar í Mosfellsdal*, sem tekið var upp sumarið 1998, er til sölu hjá formanni Víghóls og kostar 1800 krónur. Hafið samband við Gógó í síma. 566 6322.

BRÚN

Bílaviðgerðir járnsmíði.

Símar: 566-7363 og
897-0630.

Umfelgum og seljum ódýr dekk fyrir Dekkjalagerinn.

Guðvarður Hákonarson

f. 10. desember 1946,
d. 15. mars 2002.



Guðvarður Jóhann Hákonarson fæddist í Reykjavík 10. desember 1946. Foreldrar hans voru Hákon Jóhannesson (1913-1967) og Hólmsfríður Guðvarðardóttir (f. 1922.) Systur hans eru María (f. 1949) og Elsa (f. 1956.).

Guðvarður, eða Gutti eins og hann var alltaf kallaður, ólst upp hjá foreldrum sínum að Grund í Mosfellsdal. Hann fór ungar út á vinnumarkaðinn og vann ýmis störf í byrjun, en snemma fóru störf hans að snúast um aðaláhugamál hans sem voru bílar og mál þeim tengd.

Árið 1966 kvæntist Guðvarður Ernu Björgu Kjartansdóttur (f. 1947), börn þeirra eru: Hákon (f. 1967), Kjartan (f. 1968), Ósk (f. 1974) og Ingólfur (f. 1977).

Þegar faðir Guðvarðar lést keyptu þau hjón Grund af móður hans og rak hann þar bílaverkstæði allt þar til fyrir fáum árum að þau Erna seldu Grund og fluttu í miðbæ Mosfellsbæjar. Ennfremur reistu þau þá nýtt bílaverkstæði í Mosfellsbæ og starfræktu það í samstarfi við syni sína.

Frá árinu 1981 starfaði Gutti með Kiwanisklúbbnum Geysi í Mosfellsbæ, var hann ætíð áhugasamur um starf klúbbsins og m.a. forseti klúbbsins tvísvar sinnum. Gutti var ennfremur félagi í Björgunarsveitinni Kyndli, Húsbláfelaginu og Ferðaklúbbnum 4 x 4.

Gutti hafði sterkar taugar til Mosfellsdals þar sem hann ólst upp og eyddi stærstum hluta starfsævi sinnar. Hann var ókrýndur brennukóngur Dalbúa og lét sig aldrei vænta á gamlárskvöld til að bera eld að bálkestinum. Á aðalfundi Víghóls síðastliðið haust risu fundarmenn úr sætum og minntust látins nágranna og vinar.

(Byggt á minningargreinum úr Mbl.)



ÍSLANDSBANKI

þverholti 2 Mosfellsbæ
Sími: 440-3160.

Fasteignasala
Mosfellsbæjar

Fornar leiðir á Mosfellsheiði


Margt er orðið fjarlægt okkur í tíma en vart í rúmi. Á tímum hraðans er ekið úr Mosfellsdal og áfram austur í Þingvallasveit, framhjá miklu heiðarfleimi í suðri. Ferð, sem nú tekur aðeins tæpa klukkustund, var oft ekki farin nema að ætla sér heilan dag til þess. En sumir komu ekki aftur af Heiðinni, þeir urðu úti í byljunum og vályndum veðrum. Kannski að þessar gömlu frásagnir fæli margan nútímaganninn frá því að ferðast um þessar slóðir, annaðhvort fótgangandi, ríðandi, skíðandi og jafnvel hjólandi.

Frá Faxaflóasvæðinu voru ýmsar leiðir austur um Mosfellsheiði. Ef byrjað er syðst, þá var leið frá Elliðakoti, sem skiptist fljóttlega er austar var komið, var önnur um Kolviðarhól og áfram yfir Hellisheiði. Hin leiðin var norðanmegin við Lyklafell og áfram um Dyrarfjöll. Þessi síðarnefnda leið var nefnd Dyravegur og var einkum farin af Skálholtsmónum fram undir lok 18. aldar. Var mikil birgðageymsla biskupsstólsins í Dráttarhlíð sunnan Þingvallavatns, nokkurn veginn þar sem efsta rafstöðin við Sogið, Steingrímsstöð, er nú.

Þá voru tvær leiðir frá Miðdal, sú eldri eftir Seljadal en skömmu fyrir aldamótin 1900 var rudd leið frá Geithálsi austur með Seljadalsbrúnnum, yfir Háamal vestan við Borgarhóla og áfram austur til Þingvalla. Á þessari leið var byggt sælhús, allreisulegt og má sjá mynd af því á gömlum póstkortum. Þessi leið gengur almennt undir heitinu Gamli Þingvallavegurinn. Mjög var vandað til þessa vegar eins og sjá má þó að mannvirki hafi látið á sjá, hleðslur, vörður, ræsi og brýr niðurfallnar.

Nyrsta leiðin var svonefnd Stardalsleið sem var upp með Leirvogsánni sem tók sveig norður með Sauðafelli austur með

Stíflisdalsvatni að sunnanverðu og áfram austur ofan Kárastaða og Brúsa-staða og var komið niður svonefndan Langastíg niður um norðanverða Þingvelli.



Gömul gluggavarða á Mosfellsheiði. Ljósmynd Guðjón Jansson.

Úr Mosfellsdal voru tvær leiðir og voru þær tengdar selför frá Mosfelli á fyrritíð: syðri leiðin var um Bringur en hin var dálítið norðar. Munu þær hafa legið sitt hvoru megin við Geldingatjörn. Þessar leiðir voru gamlar leiðir að Mosfellseli, rétt innan við Illaklif, og Jónsseli sem var skammt ofan við Seljabrekku. Þá var sel neðan við Helgufoss. Þessar leiðir munu hafa komið saman austur og sunnan við Leirvogsvatn. Á þessari leið eru örfáar vörður og er ein þeirra sérstaklega merkileg. Er hún byggð þannig, að stór op eða n.k. gluggar eru til allra höfuðáttar! Varðan minnar í útliti dálítið á Eiffelturninn í París. Ekki hefur verið vandalaust að hlaða vörðu þessa sem er um klukkutíma gang austur af Leirvogsvatni. Nokkurn veginn rétt stefna þaðan í austur er á Kálfstinda.

Um hálftímagang frá gluggavörðu þessari er komið að dálítilli brekku og uppi á brúninni er allmikil grjóþrúga ofan á dálitlum hól. Þar sem ég hef aldrei komið áður að stað þessum, öðruvísi en að vetrarlagi, hefur ekki gefist tækifæri til að skoða hugsanlegar hleðslur. En að öllum líkindum er um gömlu sæluhúsatóftina að ræða, sem mörgum hefur hulist hvar verið hefur.

Gamla sæluhúsatóftin er um 3 metrar á breidd en 4 á lengd. Lætur nærrí að jafnlangt sé þaðan norður á núverandi Þingvallaveg og suður að Gamla Þingvallaveginum við gömlu brýrnar. Þó er leiðin í norður eithvað drýgri þar sem taka verður sveig vegna tjarnar sem er skammt sunnan við akvegginn.

Í lýsingu Árnессýslu frá árinu 1842 eftir Pál Melsteð sýslumann, síðar amtmann segir:

Í sumar er var, var byggt nýtt sæluhús á miðri Mosfellsheiði af Þingvallar- og Mosfellssveitarinnbúum. En eftir er enn þá að ryðja og varða vel heiðina, sér í lagi að austanverðu og mun á því verða byrjað að sumri komanda. (Sjá Landnám Ingólfss (eldra safn) II.bindi, bls. 40.)

Þetta gamla sæluhús var lengi tengt ýmsum sögum, einkum þótti þar reimt mjög. Er sagt að þrír menn hafi orðið þar úti þar skammt frá og gangi allir aftur.

Guðjón Jansson.

Árangurinn lætur ekki á sér standa. Það er sannað 100% af læknum. Ég hafði lengi reynt ýmsar gervileiðir. Þessi virkar 100%, maðurinn minn er alsæll. 65% trúnaður. Hef sótt námskeið og farið á margar kynningar hjá vinkonum. 95% líkur. 85% á öllu öðru.

Alma P.G. Óskars. Sími: 566-7

Hlégarður



VEISLUGARÐUR
Veislubjónuman Hlégarði

Háholti 2, 270 Mosfellsbær
Sími 566 6195, Fax 566 6097



Bello
Hársnyrtistofa

Háholti 14 2. hæð
Sími: 586-8989



Urðarholt 2 · 270 Mostellsbær · Sími 566 6145 · Fax 566 6308

Hlin Blómahús
Mosfellsbær



Annáll ársins 2002

Þorrablót


Þorrablótið var haldið 9. febrúar í Fólkvangi. Mættu þar vel á annað hundrað manns í góðan mat sem Magnús Nielsson á Blikastöðum sá um. Brak og brestir tóku á móti gestum af sinni alkunnu snilld. Birgir Sig. var að venju með sinn árlega annál og Örn Árnason létt gesti gráta af hlátri. Gott blót og allir komust aftur heim.

Gróðurdagur

Gróðurdagur féll niður, en ferfættingar sáu um slátt og áburð þetta árið.

Aðalfundur

Aðalfundur Víghóls var haldinn í Bakkakoti 12. nóvember sl. og var vel mætt. Jesse



Jesse Byock flytur fyrirlestur sinn á aðalfundinum.

Byock fornleifafræðingur greindi þar frá rannsóknum á fornminjum í Mosfellsdal, var það mjög

fróðlegt og skemmtilegt. Formaður félagsins, Auður Eiríksdóttir, gaf ekki kost á sér lengur í stjórn og ekki heldur Valur Þorvaldsson. Gísli Snorrason situr áfram í stjórn og Nína Baastad og Guðrún Karlsdóttir (Gógó) koma nýjar inn.

Við þökkum Auði og Val fyrir stjórnarsetu. Auður var búin að vera formaður í 13 ár, og þakka Dalbúar henni mikið og gott starf í þágu dalbúafélagsins Víghóls.

Á fyrsta fundi nýrrar stjórnar sem haldinn var í lok nóvember skipti stjórnin þannig með sér verkum: Guðrún í Sigtúni (Gógó) er formaður, Nína á Hraðastöðum er gjaldkeri og Gísli í Brekkukoti er ritari.

Áramótavarðeldur

Áramótavarðeldur var tendraður á gamlárskvöld og logaði glatt við undirleik Braks og bresta. Gutta og Ernusynir sáu um íkveikjuna. Eru þeir Hákon, Kjartan og Ingólfur æviráðnir í það starf. Óvæntir, en mjög svo velkomnir gestir, mættu hinu megin árinnar með stórglæsilega flugeldasýningu. Takk fyrir það.

Sjáumst á þorrablótinu.

Gógó Karls.